

Sogn regionråd

Saksh.: Karina Nerland
Arkivsak: 14/2040

Arkiv: 030&23

Saksnr.: Utval
15/15 Sogn regionråd

Møtedato
06.11.2015

Sak 15/15

Kommunereforma

Sakshandsamar: Karina Nerland
Arkivsaksnr.: 14/2040-50

Arkiv: 030 &23

Kommunereforma

Tilråding:

Rapporten om aktuelle kommunestrukturalternativ frå Telemarksforsking er god og grundig, og gir kommunane eit grunnlag for å ta stilling til ev. kommunesamanslåing.

Sogn regionråd godkjenner framdriftsplanen slik den ligg føre og ber prosjektgruppa førebu felles informasjon til innbyggjarane og innbyggjarundersøking.

Sogn regionråd tilrår at kommunane startar arbeidet med intensjonsavtale med utgangspunkt i alternativ 2 og andre alternativ som kommunane vedtek.

Vedlegg:

Utgreiing av aktuelle kommunestrukturalternativ for Sogn regionråd, Telemarksforsking
Framlegg til framdriftsplan frå prosjektgruppa 12.10.2015

Saksutgreiing:

Bakgrunn:

Kommunane i Sogn regionråd gjennomfører ei felles utgreiing som skal gje kommunane eit grunnlag for å ta stilling til ev. kommunesamanslåing med andre kommunar i Sogn. Mandatet for felles utgreiing er politisk vedteke i kommunane og i Sogn regionråd 5.12.2014. Felles utgreiing skal vera eit supplement til kommunane sine prosessar.

Telemarksforsking har gjennomført utgreiinga på oppdrag frå Sogn regionråd. I oppdrag frå regionrådet er seks alternativ utgreidd:

1. Alle kommunane i Sogn regionråd
2. Vik, Balestrand, Leikanger, Sogndal, Luster, Årdal, Lærdal og Aurland
3. Vik, Balestrand, Leikanger, Sogndal, Luster og Lærdal
4. Sogndal, Leikanger og Luster
5. Årdal, Lærdal og Aurland
6. Høyanger og Balestrand

Sogn regionråd

Rapporten frå Telemarksforsking var ferdig 15. oktober og er sendt til kommunane. Nokre av kommunane har også andre alternativ dei ønskjer å greia ut, og som kjem i etterkant av denne rapporten.

Kommunal- og moderniseringsministeren sende i slutten av oktober brev nye kommunestyre om det vidare arbeidet med kommunereforma, om oppdraget frå Stortinget og at kommunane må gjera vurderingar ut ifrå eit langsiktig perspektiv.

Rapporten frå Telemarksforsking vart presentert på felles formannskapsmøte 30. oktober, og deltakarane drøfta kommunane si samfunnsutviklarrolle og aktuelle kommunestrukturalternativ. Til møtet gav prosjektgruppa (rådmennene og to tillitsvalde) vurdering av rapporten, innspel om aktuelt alternativ og framlegg til framdriftsplan.

Telemarksforsking vurderer alternativ 4, 5 og 6 som best samsvarer med dei eksisterande bu- og arbeidsmarknadsregionane. Desse alternative inkluderer ikkje Vik. Prosjektgruppe sitt innspel til felles formannskapsmøtet er at kommunane går vidare med alternativ 2. I møtet drøfta kommunane vidare arbeid etter utgreiinga og gav tilbakemelding på alternativ for kommunesamanslåing.

Vurdering:

Framlegg til framdriftsplan frå prosjektgruppa er lagt ved. Det er lagt opp til at kommunestyra handsamar sak om alternativ for kommunesamanslåing og oppnemner representantar til intensjonsavtalearbeidet i november. Arbeidet med intensjonsavtaler bør ta utgangspunkt prosjektgruppa si tilråding om å gå vidare med alternativ 2 og andre alternativ som kommunane gjer vedtak om.

Tilbakemelding i felles formannskapsmøte 30. oktober var at nokre kommunar vil leggja saka fram for kommunestyre i desember (siste dato 17. desember) og ikkje innan 26. november. I så fall må arbeidet med intensjonsavtalane starta i januar. Det kom i felles formannskapsmøte innspel om å utsetja fristen for intensjonsavtale. Ei løysing kan vera å gjennomføra møta (3-4 møte) om intensjonsavtalane i løpet av januar. Om arbeidet med intensjonsavtaler dreg ut i tid, kan dette føra til at det blir for lite tid til arbeidet med innbyggjarinvolvering (informasjon, innbyggjarundersøking, folkemøte mv). Regionrådet kan koordinera og bistå i tilrettelegging for møta om intensjonsavtalearbeidet.

Det er etter arbeidsmøte om intensjonsavtaler lagt opp til ein felles formannskapsdag i februar/mars. Kommunestyra handsamar intensjonsavtalane i mars og vedtek då om dei ønskjer å gå vidare i prosessen eller ikkje. I så fall vil intensjonsavtale og utgreiingsarbeidet danna grunnlag for ei høyring blant innbyggjarane. Etter møtet er det lagt opp til felles innbyggjarundersøkinga i mars 2016. Kommunestyra vedtek høyringsform (t.d. folkerøysting, spørjegransking) og tidspunkt. Aktuelt tidspunkt for høyringa er første halvdel av mai 2016. Etter at høyringa er gjennomført, fattar dei aktuelle kommunane vedtak om framtidig kommunestruktur i juni 2016.

Kvar kommune får kr 100 000 i støtte frå departementet til å gjennomføra innbyggjarhøyringar. Midlane skal dekkja utgifter knytt til informasjon til innbyggjarane, folkemøte, innbyggjerundersøking mv, og skjønsmidlane som er løyvd til regionrådet kan

Sogn regionråd

ikkje brukast til å dekkja slike utgifter. Det er lagt opp til at det skal gjennomførast felles innbyggjarundersøking i løpet av mars 2016.

Telemarksforsking har vore prosjektleiar i tida utgreiingsarbeidet har vore i gang. Dagleg leiar har vore kontaktperson. Prosjektansvarleg er leiar i Sogn regionråd. Administrasjonen si vurdering er at det er behov for prosjektleiar i tida fram til kommunestyrehandsaming i mars 2016. Prosjektgruppa bør til neste møte vurderer å innhenta ekstern prosess- og rådgjevingskompetanse til det vidare arbeidet. Tidsplanen for arbeidet fram til 1.7.2016 er også svært stram. Fylkesmannen har løyvd kr 1 040 000 av skjønsmidlar til utgreiingsarbeidet for Sogn regionråd. Bruk av dei felles midlane til prosjektleiing er i tråd med søknaden og finansieringsplanen. Omfanget av prosjektleiing kan prosjektgruppa vurderer i neste møte.

Det er også viktig at kommunane set av tilstrekkelege ressursar, dette gjeld både politisk og administrative ressursar og særleg knytta til arbeidet med intensjonsavtalane og innbyggjarinvolvering.